



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in Vchtlandt, 1585

VD16 H 843

Caluini vnnd seiner Predigkandten Lugen wider die Catholischen.


urn:nbn:de:hbz:466:1-33985

Was Caluinus falsch- lich fürgeben.

Die 151. Frag.

Was grosse Ehr soll Caluinus eu-
wer Prophet mit seiner Weys erlangen/da er nicht
allein mit vernügt ist/vil alte verworffne Sectische
Lehren erneuert zu haben/wie sie dann hievor er-
zählet sindt/sonder vber das/darmit er sein irige Lehr selbs desto
mehr bekräftiget vnd zu Schanden machte/fälschlich hat fürge-
ben vnd geschriben/Nemlich der erste Artickel der Catholischen
Theologi so heymlich vnder ihnen regiere/laute also: Es sey kein
Gott/der ander/das alles so geschriben ist/vnd von Jesu Christo
geprediget werde/seye nichts als ein Bethörung vnd falsch Bez-
dicht/der dritt/das alles so die Schrift von dem Ewigen Leben
vnd von der Auferständnuß der Todten beweysht/ lauter Fablen
seyen/dann ist auch je ein Jud oder Türck so vnverschämpt erfuns-
den worden/der solche sinckende Vnwarheit der Catholischen
Heiligen getreuwen Lehr habe zugeredit vnd auffgelegt?

Caluinus hat sich selbs so hoch geachtet/das; er sich für einen Propheten
hat in seinen Schriften außgeben.



H ij

Deß

Deßgleichen die Pre- digkandten.

Die 152. Frag.

Wrumb gebt jr in euwern Pre-
digen / nach der Lehr vnd Exempel Caluini falsch-
lich von vns für / Wir setzen vnser ganz vertrau-
wen auff die gute Werk // vnd achten des Glaubens nichts / Item wir bauwen nichts auff den Verdienst des Ley-
dens Christi / wir halten mehr auff S. Anthonium oder S. Frans-
ciscum / als auff Christum / wir betten den Pappst zu Rom an als
einen Gott / wir achten der Heiligen Schrifft nichts / wir ruffen
Stein vnd verstorbene Menschen für Gott an / wir betten ein biß-
s in Brodt an statt Gottes an / Summa / wir lehren vil andere vns
gereimpte Ding mehr / welches sich aber bey vns nicht wirdt befin-
den / dann wir solche falsche Meynungen so jr vns auffleget
gänglich verwerffen..

Von der Reformation.

Die 153. Frag.

Derweyl jr fürwendet / das Wort
Gottes von stück zu stück zu halten / so sollten jr die
Reformation der Schrifft nach // auff ein andere
weys angericht haben / ja anderst als in der neuwen
Schottländischen Reformation ist geschehen / da jr die Kirchen /
Klöster